

Autoridade Bankaria no Pagamentu Timor –Leste Nian
VI Relatoriu Fundu Petroleu Fulan tolu nian

Fulan tolu remata iha 31 Dezembru 2006

Comunikasaun ba Media

Ohin , Autoridade Bankaria no Pagamentu Timor Leste, fo sai ba dala nen relatoriu fulan tolu nian hosi Fundu Petrolu TL, nebe hatudu numeru asset mak gere iha loron ikus fulan Dezembru ho montante \$ 1,011.8 miliaun kompara ho fulan Setembru 2006 nebe mak demonstra \$847.1 miliaun.

Relatoriu ne hatudu katak durante fulan tolu ne'e , osan nebe kontribuyente sira no Autoridade Designada Tasi Timor selu direktamente ba Fundu liu hosi konta BPA nian iha Federal Reserve Bank, Estados Unidos iha Nova Iorque hamutuk US\$ 155.6 millaun.

Lukru (osan funan) nebe hetan husi investimentu fundu hamutuk US\$8.8 millaun, no mudansas valor merkadu tamba titulu nia folin nebe tun sa'e, hetan \$0.3 milliaun durante fulan tolu ne'e . Retornu absolutu durante fulan tolu nee hetan positivo 0.96 % , equivalente ho retornu anual nebe hetan 3.88%. Rendimentu husi portofolio durante fulan tolu nee mak pontu baze 1 boot liu retornu referensia.

Lei Fundu Petroleu nian espesifika katak ABP, hanesan futuru Banku Sentral Timor Leste nian, nudar agente nebe responsabiliza ba gestaun operasional Fundu nian.

Ministerio Planu no Finansas iha responsabilidade atu halo estrategia investimentu ba Fundu. Tuir mandatu nebe fo ba ABP hodi gere Fundu nee besik ba Indise referensia Merrill Lynch tinan 0-5 titulus governo Estadus Unidos nian. Durante primeriru trimestre nen nee, ABP maneija Fundu nee besik ba mandatu referensia. Diferensia retornu entre portofolio ho referensia desde Fundu nee hahu mak pontu base 2.

Iha relatorio fulan tolu nian ba dala nen nee, nebe mak kobre priodu 1 Outubru 2006 to'o 31 Dezembru 2006, inclui :

- Valor inisiu \$ 847.1 millaun
- Reseitas durante fulan tolu nee hamutuk \$ 155.6 milliaun nebe kompostu husi reseitas husi sira nebe selu taxa \$124.1 millaun no reseitas husi Autoridade Designada Tasi Timor mak \$31.5 millaun.
- Retornu absolutu durante fulan tolu nee, 0.96% ou \$9.1 milliaun
- Valor ikus liu \$ 1,011.8 milliaun

Relatorio fulan tolu nee nian ho Lei Fundu Petroleu no mos Akordu Gestaun , bele hetan iha situs portal ABP hanesan www.bancocentral.tl.

Karik presiza tan informasaun ruma bele kontaktu :

Venâncio Alves Maria
Diretor Executivo, Fundu Petroliferu
Autoridade Bankaria no Pagamentu Timor-Leste nian.
Email : venancio.maria@bancocentral.tl
Telephone : + (670) 3313718

Dili, 5 Fevereiro 2007